

"BROJKE TRAŽE REAKCIJU"

U smislu Zakona o zaštiti od nasilja u porodici i nasilja prema ženama u Federaciji Bosne i Hercegovine ("Službene novine Federacije Bosne i Hercegovine", broj: 19/25), odnosno članom 8. propisuje se da nasilje u porodici označava svako djelo fizičkog, seksualnog, psihičkog odnosno ekonomskog nasilja do kojeg dođe u porodici ili domaćinstvu ili između bivših ili sadašnjih bračnih partnera odnosno partnera, neovisno od toga da li učinilac dijeli ili je dijelio domaćinstvo sa žrtvom.

Broj osoba koje su prijavile nasilje u 2025. godini iznosio je ukupno 1352, od čega su 1034 bile žrtve ženskog spola, a 318 žrtava muškog spola.

Nasilje su dužni prijaviti zaposleni u subjektima zaštite, obrazovnim, socijalnim i zdravstvenim ustanovama policijskim organima. Svako ima pravo prijaviti izvršenje nasilja, a svaki građanin je dužan prijaviti krivično djelo kojim se vrši ili je izvršeno nasilje kada neprijavljivanje krivičnog djela predstavlja krivično djelo ili ukoliko je žrtva nasilja dijete.

Nasilje u porodici prijavljujemo: Policijskim organima - odmah po saznanju ili učinjenom nasilju, JU „Kantonalni centar za socijalni rad“ i putem SOS telefon 24 sata - 033 222 000.

Sistem socijalne zaštite u Kantonu Sarajevo pruža žrtvama nasilja: smještaj u Sigurnu kuću, socijalnu i materijalnu pomoć - jednokratna i izuzetna novčana pomoć putem JU „Kantonalni centar za socijalni rad“, subvencioniranje troškova stanarine i režijskih troškova, usluge savjetodavno terapijskog rada koje se pružaju putem KJU „Porodično savjetovalište“, i upućivanje na ostvarivanje prava iz oblasti porodične i dječije zaštite.

Efikasna zaštita od nasilja u porodici ostvaruje se kroz saradnju policije, centra za socijalni rad, zdravstvenih ustanova, odgojno - obrazovnih ustanova, nevladinog sektora i mobilnih timova na terenu. Sistem funkcioniše samo ako se nasilje prijavi.

SVAKA BROJKA JE OSOBA, A SVAKA PRIJAVA MOŽE SPASITI ŽIVOT.